

L'ADIEV
DE IVLES
MAZARIN
A LA FRANCE,
A PARIS,
ET
A MESSIEURS
DV PARLEMENT.



A PARIS,
Chez MATHVRIN HENAULT.

M. DC. XLIX.

L. ADIE V

DE IV LES

ANALYSE

A LA FRANCE

PAR

ET

M. L. L.

DU PARLEMENT



PARIS

M. D. C. C. L. X. I. I.



L'ADIEV
 DE IVLES
 MAZARIN
 A LA FRANCE,
 A PARIS, ET
 A MESSIEURS
 DV PARLEMENT.



*Visque c'est un faire le faut,
 Et que le Noble, & le Cour-
 tant*

*Ne sçauroient souffrir ma pre-
 sence*

Dans l'aymable pays de France:

Puisqu'on me force de partir,

Puisqu'on me force de sortir

Puisque l'on prend par tout les armes;

Que les pays sont en alarmes,
 Toutes les villes en fureur,
 Pour me causer un grand mal-heur
 Adieu France belle, & iolie,
 Je m'en retourne en Italie.
 Mes larcins qui sont infinis,
 Par mon départ seront finis:
 Je ne te pourray plus rien prendre:
 Mais une chose ay-ie à t'apprendre,
 Je garderay ce que i'ay pris,
 C'est à dire, tes beaux Louis;
 Puis tes moult aymables pistoles
 Vtilitez bien peu friuoles:
 Elles me feront recevoir,
 Et de bon œil me feront voir
 Dans tous les endroits de la terre.
 Aupres de l'or tout est de verre,
 Tout se casse comme un crystal.
 Aupres de ce diuin metal,
 Metal, agreable monnoye,
 Qui bride souuent comme un Oye,
 Ou plutost comme des Oysons
 Les gens des meilleures maisons.

Beaucoup

5
Beaucoup en diront des nouvelles;
Qui m'auroient donné des plus belles
Si ie n'eusse sçeu dextrement,
Les arrester par de l'argent.

A Dieu, Paris puissante ville,
Pour moy maintenant peu ciuille,
De me chasser comme un coquin:
Me mal-traitter comme un faquin.
S'il me tenoit, me vouloir pendre,
Faire venir toute la Flandre
Contre un miserable mortel,
Dont on n'en vit iamais de tel,
Au commencement de sa vie,
Contre un malotru tant d'enuie?
Contre moy tant d'inimitié
Qui suis si digne de pitié,
Et bien Adieu, ie me retire;
Je quitte ce puissant Empire,
Je quitte la Cour de ton Roy;
Mais ie la quitte sans effroy.
Car en quittant ce petit Prince,
Je treuveray dans ma Prouince,
De ses tableaux faits sur de l'or,

*Dont i'ay fait un tres grand thresor.
Vne infinité de copies,
Qui m'attendent en Italie,
Me remettront l'original
En mon esprit de Cardinal.*

*Adieu Messieurs de la Iustice,
Adieu Maistres de la Police,
Adieu Messieurs du Parlement,
Qui avez fait bien prudemment
De me contraindre à faire gille,
Car sans ce, vostre pauvre ville
Eust esté reduitte aux abois,
Ainsi qu'un Cerf dedans les bois.
Adieu, sans parler davantage,
Qu'on accommode mon bagage,
Que tout soit appresté demain,
Pour m'en aller de saint Germain
Et pour passer en Italie
Consommer le cours de ma vie.*

F I N.

FRANCESE CORNELIO.

